



湯中目錄

十六湯品

第一品得一湯

第二品嬰湯

第三品百壽湯

第四品中湯

第五品斷脉湯

第六品大壯湯

第七品富貴湯

淺草文庫

16

第八品秀碧湯

第九品壓一湯

第十品纏口湯

第十一品減價湯

第十二品法律湯

第十三品一面湯

第十四品宵人湯

第十五品賊湯

第十六品魔湯

湯品

湯品目錄終

唐蘇廙元明著

十六湯品

湯者茶之司命若名茶而濫湯則與凡末同調矣煎以老嫩言者凡三品注以緩急言者凡三品以器標者共五品以薪論者共五品

第一品得一湯

火績已儲水性乃盡如斗中米稱上魚高低適平無過不及為度蓋一而不偏雜者也天得一

正

湯品  
以清地得一以寧湯得一可建湯勲

第二品嬰湯

薪火方交水釜纔熾急取旋傾若嬰兒之未孩  
欲責以壯夫之事難矣哉

第三品百壽湯

一名白髮湯

人過百息水踰十沸或以話阻或以事廢始取  
用之湯已失性矣敢問皤髻蒼顏之大老還可  
執弓搃矢以取中乎還可雄登闊步以邁遠乎

第四品中湯

亦見乎鼓琴者也聲合中則意妙亦見乎磨墨  
者也力合中則矢濃聲有緩急則琴下力有緩  
急則茶敗欲湯之中臂任其責

第五品斷脉湯

茶已就膏宜以造化成其形若手顫臂鞞惟恐  
其深餅黃之端若存若亡湯不順通故茶不勻  
粹是猶人之百脉氣血斷續欲壽奚獲苟惡斃  
宜速

第六品大壯湯

湯品  
力士之把針耕夫之握管所以不能成功者傷  
於麤也且一甌之茗多不二錢茗盞量合宜下  
湯不過六分萬一快瀉而深積之茶安在哉

第七品富貴湯

以金銀爲湯器惟富貴者具焉所以策功建湯  
業貧賤者有不能遂也湯器之不可捨金銀猶  
琴之不可捨桐墨之不可捨膠

第八品秀碧湯

石疑結天地秀氣而賦形者也琢以爲器秀猶  
然在焉湯不良未之有也

第九品壓一湯貴欠金銀

貴欠金銀賤惡銅鐵則甕甌有足取焉幽士逸  
夫品色尤宜豈不爲甌中之壓一乎然勿與誇  
珍術豪臭公子道

第十品纏口湯

猥人俗輩煉水之器豈暇深擇銅鐵鉛錫取熱  
而已夫是湯也腥苦且澁飲之逾時惡氣纏口  
而不得去

湯品  
三  
第十一品減價湯

無油之瓦滲水而有土氣雖御鍔宸緘且將敗德銷聲諺曰茶甌用瓦如乘折脚駿登高好事者幸誌之

第十二品法律湯

凡木可以煮湯不獨炭也惟沃茶之湯非炭不可在茶家亦有法律水忌停薪忌薰犯律踰法湯乖則茶殆矣

第十三品一面湯

或柴中之燼火或焚餘之虛炭本體雖盡而性且浮性浮則有終嫩之嫌炭則不然實湯之友

第十四品宵人湯

茶本靈草觸之則敗糞火雖熱惡性未盡作湯泛茶減耗香味

第十五品賊湯  
一名賤湯

竹條樹梢風日乾之燃鼎附甌頗甚快意然體性虛薄無中和之氣為湯之殘賊也

第十六品魔湯

調茶在湯之淑慝而湯最惡烟然柴一枝濃烟  
蔽室又安有湯耶苟用此湯又安有茶耶所以  
為大魔

湯品卷終

茶話

明雲間陳繼儒著

採茶欲精藏茶欲燥烹茶欲潔

茶見日而味奪墨見日而色灰

品茶一人得神二人得趣三人得味七八人是

名施茶

山谷煎茶賦云洵洵乎如澗松之發清吹浩浩  
乎如春空之行白雲可謂得煎茶三昧

山谷云相茶瓢與相印竹同法不欲肥而欲瘦

茶話